

DIVINI NUMINIS  
AUXILIO  
POSITIONES SEQUENTES  
DE  
**LUMBRICIS**

EX

AUTHORITATE ET DECRETO  
MAGNIFICI AMPLISS.

ET GRATIOSISSIMI  
SENATUS MEDICI  
PRO DOCTORATUS GRADU  
LEGITIME ET SOLENNITER  
ACQUIRENDO.

PUBLICAE EXAMINANDAS  
PROPONIT

FORTUNATUS A' JUVALTIS

ZUZIENSIS RHÆTUS

AD DIEM XXIX. AUGUST.

AN. c<sup>l</sup>o l<sup>o</sup> c LXII.

IN AUDITORIO MEDICO  
HORIS CONSUEVIS.

---

BASILEÆ

TYPIS IOH. IACOBI DECKERI  
ACADEM. TYPOGR.



VIRO ILLVSTRI

*Nobilitatis, Prudentiæ atq; Fortitudinis*

*Splendore, multaq; rerum Bellicarum Experientia.*

*Celeberrimo,*

DN. PETRO A PLANTA

ZUZIE NSI,

INCLYTO RHÆTORVM HEROI,

QVONDAM ENGADINÆ

SUPERIORIS LANDEMANNO

AMPLISSIMO,

NVNC TEMPORIS CÆSAREÆ MAJEST.

MILITIÆ COLONELLO

STRENVISSIMO

Meccoenati atque Cognato suo jugiter colendo,

*Hanc Disputationem inauguralem officiosè  
offert & consecrat*

FORTVNATVS à JUVALTIS.



## P O S I T I O I.



UEM ADMODUM in Macrocosmi, ita & in Microcosmi variis partibus multiplicia vermium genera progenerari, non tam veterum & recentiorum Authorum Clarissimorum authoritas, quàm experientia ipsa satis superq; comprobatur atque testatur. Sic refert Cl: Fernel. Patholog: lib. 6. cap. 10. se exiguos in renibus genitos & cum urina profusos vidisse; Item lib. 5. pathol: cap. 7. asserit, in quodam milite, qui resimis erat naribus ex foediore quadã illuvie diutiùs cohibita, vermes duos villosos instar digiti, circa nares & os ethmoides genitos inventosque esse, qui tandem in furorem illum adegerunt, febreque non admodum manifestâ de medio sustulerunt. Hollerius scorpionem vidit in Cerebro cujusdam Itali, natum ex Basilicæ herbæ frequenti odoratu. Visus sæpè vermis qui demorso corde vitam ademerat. Visus etiam ab Avicenna qui abdomen perforavit. Alexander Pedemontanus scribit, reptos esse in capsula cordis, qui demorso corde primò epilepticos insultus, deinde mortem attulerunt. Alii tussi rejectos vermes aspexisse affirmant, in auribus quoque, dentibus, sæpè etiam in neglectis abscessibus ulceribusque sordidis eosdem reperiri, autopsia ipsa demonstrat, imò & aliis in locis, præsertim autem tales in intestinis originem suam ducere, praxis quotidiana asserit. Cùm itaque frequens magnusque in intestinis sit eorum proventus, seque sæpissimè curandos offerant, in animum induxi saltem in præsentiarum de his verba facere, qui intestina & ventriculũ occupant,



& Græc. communi nomine ἑλμινθες, θηρία, Latinis Lumbrici à lubricitate, item ventris tineæ & ventris animalia nuncupantur.

2. Sunt autem Lumbrici animalia in intestinis, rariùs in ventriculo hominis, ex materia putrescente & à calore vivificantē genita, quæ variè actiones lædere solent.

3. Dubitatur ad quodnam affectuum genus sint referendi, attamen dico, sub diversa consideratione, ad omnia genera referri posse, nam ut intestina vellant & pungunt vel obstruunt simulque alios affectus producant, causæ ipsæ morbificæ dici possunt; prout verò sunt substantiæ superadditæ iis, quæ naturaliter in intestinis contineri debent, inter morbos in numero aucto toto genere præter nat: à Gal: recensentur, quemadmodum & calculus, etsi id impropriè fiat; ac denique prout intemperiem cum humore conjunctam sequuntur, & excernuntur per alvum aut etiam per os, ad symptoma in excretis commodè reduci queunt.

4. Verùm enim verò ut Lumbrici omnes Causâ materiali, efficiente & fine conveniunt, ita rursùm formâ seu figurâ, quantitate & generationis loco differunt. Unde tres ipsorum oriuntur differentiæ essentiales, nonnullæ etiam accidentales.

5. Prima est eorum, qui Græc. στρογγύλαι, Latinis teretes seu rotundi & longi sunt, ac quandoque longitudine suâ palmum æquant, vel paulò longiores sunt atque in superioribus gracilibusque intestinis & in ventriculo gigni solent. Unde sæpè ascendunt in ventriculum, eumque gravibus torquent symptomatis. Inde per gulam quandoque os ipsum conscendunt, è quo hiant etiam profiliunt: clauso verò, dormientibus per palati cavum obrepunt in nares, forasque prodeunt. Hi aliis frequentiores existunt, suntque similes quasi vermibus in terra ortis.



6. Secunda Lumbricorum latorum est, qui etiam Græc: πλατεῖαι, ἢ ταινίαι, Lat: verò fasciæ, institæ, potamiæ & cucurbitini, propter similitudinem quam cum rebus prædictis obtinent, vocantur, qui longitudine & altitudine reliquos superant & non rarò per tota extenduntur intestina, ita ut sæpè ad tricenos usque pedes extendi visum sit; hoc genus magis rarum est & vix Medico praxin exercenti ter aut quater in vita videre contingit.

7. Tertia species est Ascaridum, qui tenuēs & exigui; si cum superioribus conferantur, teretes, filorum particulas atque eorum vermium, qui in putrido caseo conspici solent, similitudinem referentes. His ferè sedes est in recto intestino & extremo sphinctere.

8. Atque hæ sunt usitatiores in intestinis genitorum vermium differentiæ: cum aliæ multæ accidentales exoriri possint, ut à coloribus, quidam albi magis, alii cineritii, flavi, aut rubri: à quantitate, alii magni, alii parvi in sua specie dicuntur. Unde apud Hipp. (referente Gal:) quidam ascarides dicuntur magni, factâ scilicet cum ejusdem speciei, non alterius lumbricis comparatione: à loco etiam sumuntur istorum vermium differentiæ à nobis jam commemoratæ, dum rotundos in ventriculo & superioribus magis intestinis generari diximus, latos in inferioribus & superioribus, ascari- des autem in extremitate potissimùm ani, seu recti intestini: denique à frequentia, unde alii frequentes, alii minùs frequentes.

9. Causæ lumbricorum sunt quatuor: Materia, Forma, ut anima ipsorū quâ vivunt & moventur, Efficiens & Finis. Ut perfectio Universi, & si Mercuriali fides danda, ut materia hujus mundi, & præsertim animalium per generationē lumbricorum depurgaretur, dein ut

sc. horum animalium nutritione excrementa copiosa corporum consumantur.

10. Causa Efficiens duplex censetur, Principalis & Instrumentalis; Principalis est sol. qui ut generatione æquivoca ranas & id genus insecta, ita & lumbricos in corpore nostro progenerat: Instrumentalis est calor solis una cū calore nostro; calor ille putrefactorius in materia, rationem causæ sine qua non obtinet, dum sc: mixtum dissolvit, ut dein sol vires suas in illa materia exerere valeat.

11. Materialis causa duplex est, proxima vel remota: Proxima est crassa, phlegmatica, viscosa & putrida materia in intestinis vel ventriculo contenta.

12. Causa remota est vel interna vel externa, Interna est crassa, cruda & pituitosa materia aut etiam alia putredini obnoxia, quæ vel in intestinis aut ventriculo continetur, aut ab aliis partibus eò transmittitur. His adnumerari possunt res naturales & contra naturam.

13. Ad res Naturales pertinent temperamenta humida, pituitosa, aut quomodocunque putredini atque cruditatibus obnoxia. Item Muliebris sexus, ob copiosam humiditatem, quâ scatere solent mulieres & propter otiosam vitam. Ætas puerilis à dentitionis tempore usque ad pubertatem, ob humoris copiam voracioremque naturam & caloris in humido vim. Senilis etiam ætas, ob vitiatas concoctiones sæpius lumbricos incurrere solet.

14. Inter causas internas recensentur etiam quidam morborum affectus, humorem illum augere valentes, aut efficientem causam suscitantes, ut ventriculi dispepsiæ, apepsiæ, bulimiæ, obstructions, febres quotidianæ & alii, qui ideo verminosi dicuntur, quòd non tam eos sequantur, quàm illorum generationis principia & fomites suppeditent.



15. Causarum externarum appellatione sex res non naturales considerandæ veniunt, inter quas primò æris vis occurrit, quæ non parva ad lumbricos excitandos, utpote per quem causæ illius universalis energia communicatur. Tempestas austrina, humidiorque, imbrium copia, anni occasus, seu Autumnus, ut loquitur Hipp. 6. Epid. & 2. sect. 1. initio, tum ob fructuum copiam, tum ob inæqualitatem illam, quâ variis modis calorem nostrum nativum infringit: Verna quoque constitutio, ob humores præcedenti tempore collectos, fusosque, adveniente calore, ac putredinem concipientes. Eadem ratione Regio seu Mundi plaga his respondens. Constitutio denique pestilens non parum ad lumbricorum productionem potest, excitatâ nimirum in nobis humorum corruptelâ & enervato calore nativo.

16. Verùm potentissima causa ad materiam lumbricorum progenerandam repetenda ex alimentorû seu victus ratione depravata, in quocunque temperamento vel ætate: quicunque enim gulæ obnoxii plurimis sese cibis ingurgitant, mixtionibusque varii generis ciborum palato blandiuntur, illi magnam lumbricorum copiam colligere solent; Unde pulmentorum, lactis frequentior usus cum aliis cibis permixti, carni in puerulis, qui adhuc eas conficere non possunt, casei, leguminum, castanearum, piscium, fructuum horæorum olerumque, huic rei valde est idoneus; præsertim verò si his accesserit potus immoderatus, otium seu desidia, longior somnus, animi torpor, timor, alvi suppressio, vel nimius fluxus, balneorum, aut veneris intempestivus usus.

17. Sequuntur nunc signa quæ vel Diagnostica vel Prognostica, & utraque Communia, seu omnibus lumbricis in genere competentia, aut Particularia seu unicuique speciei propria.



18. Ac primò à causis antecedentibus & externis, ut rebus naturalibus, non nat: & contra nat: si eo modo se habeant, ut supra dictum fuit, non parva desumitur conjectura. 2. ab Effectibus seu symptomatis, ut actionibus læsis, excretis, & qualitatibus mutatis, certiora signa desumuntur. Sic quod ad animales actiones læsas spectat, fiunt Deliria, Epilepsie, Lethargi, Convulsorii motus frequentes, oculorum Obtenebrationes, Stridores dentium, Masticationes inter dormiendum & quasi deglutitiones, ita ut pueruli pupillam fugere videantur, Clamores repentini, narium Pruritus & Perfricationes, morosi fiunt præter ipsorum mores & consuetudinem.

19. Ad Vitalis actionis offensionem pertinent, Syncope, Lypothymia, Palpitationes cordis & pulsuum vaga & mutabilis inæqualitas, respiratio quoque ceu mixta actio imminuitur, Febris adest.

20. In functionibus verò naturalibus imprimis elucescit lumbricorum istorum pernicies. Etenim multiplices hinc affectus producere solent, Cardialgias, Anorexias, cibi Fastidia, Famem, Sitim, Apepsiam, Singultum, Vomitus, quin & corporis sine manifesta causa Absumptionem.

21. Ab Excretis mutatis itidem signa lumbricorum perscrutamur. Illi enim ut plurimum adest alvi fluxus humoris crudi, albidioris aut cineritii, urinæ albæ tenues turbidæ, sudores patiuntur foetidos frigidove, salivam ex ore fundunt, malèq; olentem spiritum exhalant, potissimum verò acidum, imò vermes ipsi sæpe per os, nares, aut anum ipsum ( quod signum certissimum ) excernuntur.

22. Has omnes conjecturas confirmabunt qualitates mutatae, quæ verminosos sequuntur affectus ut color fa-



lor faciei pallidus & quasi tumens, oculorum rubor, labiorum humiditas de nocte, de die eorundem exsiccatio, extremorum mutabile frigus.

23. Signa itaque hæc sunt Communia, quorum tamen quædam uni aut alteri speciei magis sunt addicta, neque tamen omnia in omnibus, sed alia in his, alia in aliis, hoc vel illo tempore conspiciuntur.

24. Præter hæc sunt alia unicuique generi peculiariora. In primis rotundorum signa sunt incredibilis ventriculi & intestinorum morsus, tussicula sicca, lenis & exigua & lumbricorum rotundorum per os, nares & anum excretio.

25. Qui latos continent continuas stomachi vellitationes sentiunt & canina appetentia ipsos infestat: Infallibile verò signum est, quod & Hipp. 4. de morbis, & Gal. & Aristot. 5. de historia animal: 19. & alii multi testantur, si inter excrementa alvi appareant corpuscula veluti semina cucurbitæ.

26. Ascarides vehementem in ano pruritum excitant, assidueque ad egerendum irritant, ad hæc ab egestionem semper foetor maximus percipitur, imo & quandoque ani prolapsio contingit.

27. Prognosis lumbricorum generalis hoc modo instituenda est. Quod magni beneque saginati peiores sint parvis & macilentis, multi cohærentes aut conglobati paucis, flavi, lividi, rubri & variis figuris præditi, deteriores albis & lævibus, quia magis à naturali constitutione recedunt, & ferocioris humoris naturam participant, viventes mortuis.

28. Lumbrici in febrium initiis & vigore ejecti malum significant: sanitatis autem spem promittunt in declinatione, cum critica comitatur excretio.

29. In specie, Teretes sunt periculosissimi & molestissimi, ob locum quem occupant & motum quo va-



riè cientur. Latè verò diuturni & difficillimi curatū, ita ut sæpè homini consenescant & inductâ macie sensim interimant. Omnium minus periculosi sunt Ascarides & curatu faciliores, pruritu tamen & foetore molesti.

30. Superest ut aggrediar curationē. Lumbrici cum sint toto genere præter naturam, sui ipsius ut & causæ suæ antecedentis & proximæ è corpore remotionem indicant, sed quia dum vivunt non facile tolluntur, eò quòd attractioni & educationi renituntur & subinde majorem molestiam creant; inde insurgit altera indicatio opere prior, licet dignitate posterior, nempe necandos esse vermes: Quoniam autem interdū non ita facilè citoque possunt interimi, ut esset opus, præ multa molestia, quam excitant, præcipuè à quadam causa vehementi agitati; ideò necesse est, ut interdum ante omnia reprimantur donec possint necari & educi: His nonnunquam indicationibus & alia supervenit, quorundam sc. symptomatum, ut destructæ omnino appetentiæ cibi, ac immodici alvi floris, ut & animi deliquii, correctio.

31. Quibus Indicationibus ut satisfiat, sequentia ex fonte Diætæ & Pharmacisë in usum veniunt.

32. Talis instituatur diætæ, quæ causæ & vermibus sit contraria. Aer sit temperatus, & si febris absit, ad siccitatem vergens. Cibi boni succi præscribantur, calefacientes & attenuantes absente febre, satisque liberaliter alatur æger in frequentia, alioquin punctiones fient intestinorum à lumbricis, ob inediam eorundem, quæ cum fiant dulcia offerantur, nam iis ut plurimum placantur lumbrici, cibus quoque sit ita comparatus, ut facilè distribui possit in universum corpus. Vitentur è contra quæcunque putridos humores generando causam morbificam augere possunt; ut caseus, lac, pisces, legumina, fructus horarii, &c.



rii, &c. pro Potu vinum convenit aquosum absente febre. Alioquin si vinum omnino refugiant, aqua acetosigramin: portulac. cum oxyfacharo usu venit. Item detur talis aqua in qua radix gram. aut fragmenta cornu cervin. bulierint; Cerevisia pura hic non improbat. Somnus sit moderatus nocturnus potius quam diurnus, fugiat motum violentum, præsertim à cibo, desidia etiam corporis & animi nimia improbantur; excrementa alvi respondeant, vehementes animi perturbationes vitentur.

33. Medicamenta vermes necantia aut stupefacientia, alia amaritudine, acrimoniâ, falsedine, aciditate, alia etiam proprietate peculiari id præstant, ex quibus selectiora sunt Absinthium, Abrotanum, Camædrys, Centaurium minus, Marrubium, Santonicum, semen Nigellæ, Cardamomum Cassia lign. & alia aromata, præterea Allium, Porrum, Cæpa, similiter Calamintha, Anisum, semen Apii, Nausturtiū, Mentha, Cichorium, Portulaca, semē Coriandri, Oxymel, Syrupus acetosus, Oleū commune, amygdalarū amararum, nucleorum persicorū, omphacinum, pulv. contr. lumbricos, rasura Eboris, Cornu cervi, Bolus armena, Corallina, quæ inter omnia facilè primatum retinet, præstantissimorum medicorum testimonio: Ex. gr. ℞. Sem. Contr. vermes ziiij Corallin: zij. rasur. Corn. cerv. Eboris āzj M. F. Pulv. cujus 3j vel ʒij dentur cum jusculo convenienti, tempore matutino, cum necessitas postulaverit.

34. Verūm in horum medicamentorum interna administratione hoc perpetuò observandum, dulcia & delectantia cum iis commisceri necessario debere, hâc attamen cautione, ut semper amara dulcibus prævaleant. Dein prædicta remedia nequaquam vehementia esse oportere, nam facile & ventriculus læditur & lumbrici cum ægri damno agitantur.

35. Dum



35. Dum prædictis contra vermes pugnatur, non intermittenda quæ externè applicantur, siquidem convenienter & rectè administrata non parvam contra eosdem expugnandos utilitatem habent. In hunc fine mfieri possunt Emplastra, Cataplasmata, Fodus, Inunctiones, Sacculi, quorum formulæ ex Practicis repetendæ & pro judicio & prudentia Medici dirigendæ.

36. Enecatis aut stupefactis lumbricis ad ipsorum expulsionem veniendum, quæ per os assumptis, ut Catharticis, Lenientibus, aut per anum injectis, ut Clysteribus & Balanis perfici poterit.

37. Inter purgantia occurrunt Rhabarb: Aloe: Agaricus, &c. quæ non saltem eos cum aliis humoribus expellunt, verùm etiam enecant, Lenientia quin etiam id præstare valent, ut oleum Amygdallarum dulcium, Butyrum, Juscula pingua carniū & Sebesten, quorum decoctio mirum in modum commendatur.

38. Enemata fiant ex lacte, sacharo, pingui jure pulli, omisso sale & oleo, hæc enim cum vermibus sint inimica facilè eos versus superiora fugare possunt, adeoque efficere ut minimè educantur. Interdum quoque possunt fieri clysteres ex rebus illis, quæ simul & semel vermes alliciunt & interficiunt, nempe ex lacte cum decoctione absinthii, centaurii minor: & sacharo.

39. Balani præsertim ubi ascarides adsunt, ad eorum inter necionem comendantur tales parari possunt ex melle & pulv. hieræ diacolocynthidos.

40. Tandem symptomatis nimis urgentibus occurrendum, ut destructa cibi appetentia vermes necantibus & ventriculum corroborantibus tollatur; nimius alvi fluxus adstringentibus simulq; confortantibus, ut succo plantaginis vel foliis ejusdem tritis potui datis syrup. ribium addito tantillo pulv. bol: armen: & terræ lemniaë sistetur; animi etiam deliquii multoties vires refocillantibus remediis ratio habenda.